四 庫 全

書

薈 要•乾

隆 御 **免本** 事

文 已 日 日 白 山 一首之為文者非能為之為工乃不能不為之為工也 東坡全集卷三十四 川之有雲草木之有華實充 無有其可得那自少聞家君之論文以為古之聖 所不能自己而作者故軾與弟轍為大至多而ま 敘二十五首 東坡全集 滿勃鬱而見於れ 撰

南行集將以識一時之事為他日之所尋釋且以為 敢有作文之意已亥之歲待行商楚舟中 酒非所以為閨門之散山川之秀美風俗之朴陋賢人 **談笑之間而非勉强所為之丈也時十二月八日** ·歌蓋家君之作與弟職之丈皆在凡一百篇謂之 一遺跡與凡耳目之所接者雜然有觸於中而發

哉目之所関手之所悉口之所及其人未有不頑力 其上之三人凡三十有九而不至於公卿者五人而已 於以人遭之其在位之三十五年進士盖十舉矣而得)亦然較之以聲律取之以糊名而異人出馬是何 進士登科每自天聖初記于嘉祐之末凡四十五 秀傑者也此豈人力乎天相之也天之相人君莫太 謂威矣詩曰誕后稷之稽有相之道我仁祖之於十 有七人 八其貴且賢以名聞於世者蓋不可 東坡全集

也雖微舉首其熟能加之然且因贖而不信十年於此 吾子平以為首子平以文章之美經術之富政事之敏 子平自右司谏直集賢院出牧鄭州士天夫知其將用 矣意者任重道遠必老而後大成數不然我仁祖之明 守之以正行之以謙此功名富貴之所迫逐而不赦者 金页匹库全書 而夫相之遺之人以任其事而豈徒然哉熙寧三年冬 也十月丁未會于觀音之佛各相與賦詩以後之余於

子平為同年友衆以為宜為此文也故不得辭

說皆在余既觀花之極風與州人其遊之樂又得幽 熙寧五年三月二十三日余從太守沈公觀花於吉 明日公出所集牡丹記十卷以示客凡牡丹之見於 素不飲者皆醉自與臺皂隸皆神花以從觀者數萬 寺僧守姓之圓圃中花千本其品以百数酒酣樂作 人集金盤綠籃以獻于坐者五十有三人飲酒樂其 以植接養剥治之方古今詠歌詩賦下至怪奇 牡丹記稅 更皮全陳

德而余又愚蠢迂闊舉世莫與為比則其於此書無 者不可勝紀此草木之智巧便佞者也今公自者老重 書之精究博備以為三者皆可紀而公又求余丈以冠 觀之凡託於惟陋以脏世者又豈足信哉余雖非其人 一觀美而近歲尤復變態百出務為新奇以追逐時好 肠而為梅花賦則清便艷發得南朝徐庾體今以余 `篇盖此花見重於世三百餘年窮妖極麗以擅天 非其人手然。鹿門子常怪宋廣平之為人意其鐵 定四庫全書 |

心登彼公堂四章章四句太守陳公之詞也蘇于曰十

强為公紀之公家書二首

"求仕也志於得也任而不志於得者偽也苟志 不以其道視時上下而變其學曰吾期得而已矣

可以得者無不為也而可平音者齊景公田招虞

姓不至孔子善之曰招虞人以皮冠夫旌與皮冠

Aut on work de states W

東坡全集

鴻鴈於其靜者欲其及時也公之於士也可謂周至 不以時遷者松柏也言水而及松柏於其動者欲其 其道軟熙寧五年錢塘之士貢於禮部者九人十月己 口無言不騎無德不報二三子何以報公平 一燕于中和堂公作是詩以勉之曰流而不返者水也 也萬世不移者山也時飛時止者鴻鴈也言山而及

我未有損益也然且不可而況使之棄其所學而學

實賤壽天天也賢者必貴仁者必壽人之所欲也人 常也哉因其適相值而責之以常然此人之所以多然 而不通也至於文人其窮也固宜勞心以耗神威氣以 所欲適與天相值實難譬如匠慶之山而得成處豈 既難而人又自賊如此雖欲不因得手茂誠諱迎 物未老而衰病無惡而得罪鮮不以文者天人之相 老之座上出其詩數百篇余讀之獨月不厭其文 氏與余同年登進士第十有五年而見之於吳與孫 東坡全集

之不遇皇甫士安之篤疾被遇其一而人哀之至今而 於東事其狀若不勝衣語言氣息僅屬余固哀其任忠 出涕太息夫原憲之貧顏回之短命楊雄之無子馮衍 和妙麗如晉宋間人而詩尤可愛咀嚼有味雜以江左 難以率其身且疑其將病也喻年而茂誠卒又明年 高郵則其喪在馬入哭之敗韓瓦燈塵埃蕭然為之 人誠兼之豈非命也哉余是以録其文表而不怨亦於 人之風其為人篤學强記恭儉孝友而貫穿法律

翟公大書其門曰一死一生乃知交情一貧一富乃知 首翟公能廷尉賓客無一人至者其後復用賓安 くきも 錢塘勤上人詩集發

太子少師歐陽公好士為天下第一士有一言中於道

小速千里而求之甚於士之求公以故盡致天下夢

東波全集

交能一貴一賤交情乃見世以為口實然余嘗薄

、以為客則陋矣而公之所以待客者獨不為小哉

盖書概然太息以人之難知為好士者之戒意公之於 士之賢者唯恐其不聞於世也至於貧已者則曰是罪 之說者必引而進之佛者惠勤從公遊三十餘年公常 自庸衆人以顯於世者固多矣然士之質公者亦時有 厚賢於古人遠矣公不喜佛老其徒有治詩書學仁 在我非其過程公之客負之於死生貴賤之間而公之 士叛公於瞬息俄頃之際翟公罪客而公罪已與士益 自是少佬而其退老於賴水之上余往見之則猶論

無求於世而公又非有德於勤者其所以涕泣不忘 為詩非待文而傳者也若其為人之大略則非斯文 《利也哉余然後益知勤之賢使其得列於士大夫之 而從事於功名其不負公也審矣應軍七年余自 /於其室其後見之語及於公未嘗不涕泣也動固 弘出其詩若干篇求余丈以傳於世余

/為聰明才智有學問者尤

詩公売於汝隂

達賢者有後張湯是也張湯宜無後者也無其實而 **鱼皮匹庫全書** 晁君成詩集飲 卷三十四

其名者無後楊雄是也楊雄宜有後者也達賢者有

吾是以知有其實而辭其名者之有後也賢者民之 以生也而散之是絕民也名者古今之達尊也重於富 吾是以知蔽賢者之無後也無其實而竊其名者無後

貴而竊之是欺天也絕民欺天其無後不亦宜手故曰

達賢者與有其實而辭其名者皆有後吾常誦之云屬

之能詩則其所謂知君之為君子者果能盡知之手君 以進士得官所至民安樂之惟恐其去然未嘗以一言 賢不肖其深遠茫昧難知蓋甚於詩今吾尚不能知君 般然其美惡高下猶有可以言傳而指見者至於人之 君亦未嘗有一語及此者其後君既殁於京師其子 也吾與之游三年知其為君子而不知其能文與詩而 欽 乃者官於杭杭之新城令晁君君成諱端友者君子 少出君之詩三百六十篇讀之而舊日嗟夫詩之指雖 定四庫全書

求於人凡從仕二十有三年而後改官以沒由此觀之 而部猶為候吏人其知之者其博學隱德之報 名者之心有後也皆李部為漢中候更和帝遣二使 偉絕人遠甚將沙顯於世吾是以益知有其實而雖 自覆匿人必知之而其子補之於文無所不能博 而每篇朝出新意奇語宜為人所共愛其勢非君深 服入蜀館於命命以星知之後三年使者為漢中 獨吾不知舉世莫之知也君之詩清厚静深如其為

史之不闕文與馬之不惜人也豈有損益於世也哉然 孔子曰吾猶及史闕文也有馬者借人乘之今亡矣去 固詩曰豈弟君子神所勞矣 灾心可怕也也 流風遺俗是以日趨於智巧便伎而其之止是二者雖 且識之以為世之君子長者日以遠矣後生不復見甘 不足以損益而君子長者之澤在馬則孔子識之而況 其足以損益於世者乎皆吾先君適京師與卿士大夫 **凫樱先生詩集**敘 東坡全集

·慕遠而忽近貴華而賤實吾已見其兆矣以魯人見釋 之為大者其不超然出於形器之表微言高論既已鄙 言必中當世之過整整乎如五殼处可以療飢斷斷平 先生之詩文十餘篇示載日小子識之後數十年天下 無復為斯文者也先生之詩文皆有為而作精悍確若 遊歸以語軾曰自今以往文章其日工而道將散矣士 先生無一言馬其後二十餘年先君既沒而其言存士 如藥石处可以代病其遊談以為高枝詞以為觀美者

足行永惟三代以來真如吾宋之盛始於鄉舉 余聞之德行與賢太高而不可考射御選士已里而不 先生之文而得之於其子復乃録而藏之先生諱太初 平之一經然於廷策庶幾晁董之三道春此房心之野 字醇之姓顏氏先師究公之四十七世孫云 貴矣軾是以悲於孔子之言而懷先君之遺訓益求 **乐唐而其及復論難正言不諱如先生之文者世** 徐州鹿鳴燕賦詩飲 更成心美

賦筆礼以侑樽俎載色載笑有同於泮水一 觀四山之晚晚俯聽二洪之怒號眷馬顧之有足樂 集逸民來會以謂古者於放也語而君子會友以文 人是講麼禮放鄭聲部刺史勸駕鄉先生在位群賢里 一時會于黃樓修舊事也庭實旅百貢先前列之龜工 於山陰真禮義之遺風而太平之磁節也大夫庶上 三義取食野之鹿是日也天高氣清水落石出 **存秀之湖元豐元年三郡之士皆舉於徐九月立**

鼓定四庫全書 <u>|</u> €

入官偶儷之丈畴告所事楊雄雖悔於少作鍾儀敢 於南音貽諸故人必不我請也 我以為賢於無所止者而已若夫發於情止於忠孝者 後愛風發乎情雖衰而未竭是以猶止於 國詩集發 **两國風好色而不淫小雅怨誹而不明** 風蘇雅耳鳥親詩之正乎昔牙 巨重心美

鄙謂余屬為斯文以舉是禮余於嘉祐之末以進

豐融酱然有治世之音其言與志得道行者無異幽息 慎歎之作蓋亦有之矣特恐死領外而天子之思不及 定國歸至江西以其衛外所作詩數百首寄余皆清平 今定國以余故得罪貶海上三年一子死貶所一子死 豈非以其流落饑寒終身不用而一飯未嘗忘君也與 其詩豈可同日而語哉古今詩人果矣而杜子美為首 欽定四庫全書 | · 報以忝其父祖耳孔子曰不怨天不尤人定國且不我 于家定國亦病幾死余意其怨我甚不敢以書相聞而

游泗水登桓山吹笛飲酒乘月而歸余亦置酒黃樓 以待之日李太白死世無此樂三百年矣今余老不知 念昔者定國過余於彭城留十日往返作詩幾百餘 作詩又以病止酒閉門不出門外數步即大江經月 余苦其多畏其敏而服其工也一日定國與顏復 表所至窮山水之勝不以厄窮衰老改其度今而後余 江上既既馬真一老農夫也而定國詩益工飲酒不

钦定四事全書.

東坡全集

怨而肯怨天乎余然後廢老而軟自恨其人之淺也

之所畏服於定國者不獨其詩也

首當覽千金方三建散云風冷痰飲瘦癖府雅無所

治而孫思邈特為著論以謂此方用藥節度不近人情 至於救急其驗特異乃知神物效靈不拘常制至理開

惑智不能知今僕所蓄聖散子殆此類耶自古論病惟

傷寒最為危急其表裏虚實白數證候應汗應下之

差之毫釐朝至不救而用聖散子者一切不問凡陰陽

覺清涼此殆不可以常理詰也若時疫流行平旦於大 樂君穀穀多學好方秘惜此方不傳其子余告求得之 釜中煮之不問老少良賤各服一大蓋即時氣不入其 世之具衛家之實也其方不知所從出得之於眉山人 門平居無疾能空腹一服則飲食倍常百疾不生真流 食稍進神宇完復更不用諸藥連服取差其餘輕者心 額微汗止爾無恙藥性微熱而陽毒發在之類服之即 一毒男女相易狀至危急者連飲數劑即汗出氣通

東皮色美

商居黄州比年時疫合此樂散之所活不可勝數巢初 以授之亦使巢君之名與此方同不朽也 授余約不傳人指江水為盟余竊隘之乃以傳斬水 而沉於人主乎吾是以知二宗之聖也自太平與國以 遺直也其盡言不諱蓋自敵以下受之有不能堪者 諫議大夫贈司徒田公表聖奏議十篇嗚呼田公古 安時安時以善醫聞於世又善著書 田表聖奏議紋 日欲以傳後

金定四庫全書

言曰天下有可長太息者有可流涕者有可痛哭者後 常若有不測之憂近在朝夕者何哉古之君子必憂治 來至于咸平可謂天下大治千載一時矣而田公之言 遇治世而事明主法當如是也誼雖不遇而其所言略 世而危明主明主有絕人之資而治世無可畏之防夫 世不以是少漢文亦不以是甚賈誼由此觀之君子之 之所甚懼也方漢文時刑指不用兵革不試而賈誼之 有絕人之資必輕其臣無可畏之防必易其民此君子

一飲定四車全書

東坡全集

犯北海志大而論高功烈不見于世然英偉豪傑之氣 自為一時所宗其論或孝章都鴻豫書既然有烈丈夫 與公合者此亦忠臣孝子之志也 知來世不有若個者舉而行之數願廣其書於世必有 主父偃舉行之漢室以安令公之言十未用五六也安 王子孫各以次受分地文帝未及用思孝景至武帝而 已施行不幸早世功烈不著於時然祖嘗建言使諸侯 樂全先生文集欽

言語非不工也政事文學非不敏且博也然至於臨大 哉言乎與伊訓說命相表裏非秦漢以來以事君為的 事解不忘其故失其守者其器小也公為布衣則領然 者所能至也常恨二人之文不見其全令吾樂全先生 張公安道其庶幾乎嗚呼士不以天下之重自任久矣 名實之意自見於言語至出師表簡而盡直而不肆大 /風諸葛孔明不以文章自名而開物成務之姿綜練

已有公輔之望自少出仕至老而歸未當以言徇物以

盡下不求合於士大夫故悅公者寡不悅者家然至言 乎不得已非斬以文字名世者也然自慶應以來記元 行舍之則嚴上不求合於人主故雖貴而不用用而不 色假人雖對人主心同而後言毀譽不動得喪若 少貶以求用公獨以邁往之氣行正大之言曰用之則 孔子所謂大臣以道事君者世遠道散雖志士仁人或 쉷 定四庫全書 下偉人則必以公為首公盡性知命體手自然而行

豐四十餘年所與人主論天下事見于章疏者多矣成

子昔自自公嘗為軟言公在人主前論大事他人終日 求其文集手校而家戲之且論其大略以待後世之君 及覆不能盡者公处數言而決樂然成文皆可書而誦

見其為人信乎其有似於孔北海諸葛孔明也軟年 以開發成就之者至矣而軾終無所效尺寸於公者獨 以諸生見公成都公一見待以國士令三十餘年所

用或不用而皆本於禮義合於人情是非有考於前而

(取有驗於後及其他詩文皆清遠雄麗讀者可以想

於無何有之鄉言且不可得聞而況其文乎凡為文若 者公今年八十一杜門却掃終日危坐將與造物者必 也言雖不盡用然慶思以來名臣為人主所敬莫如公 誦習其詞問先生以所領十一人者何人也先生日童 石守道所作慶歷聖德詩示鄉先生斬從旁竊觀則能 慶思三年献始總角入鄉校士有自京師來者以會 卷岩干首 灰匹厚全書 1 范文正公文集叙

公之仲子今丞相竟夫又六年始見其叔桑叟京師又 一數是歲登第始見知于歐陽公因公以識韓富皆以 回吾得其為人蓋十有五年而不一見其面豈非· 者人傑也時雖未盡了則已私識之矣嘉祐二年 在土至京師則范公及既葬而墓碑出讀之至 待戰曰恨子不識范文正公其後三年過許始識 用知之献曰此天人也耶則不敢知若亦人耳 小可先生奇較言盡以告之且日韓范富歐陽

たこう

. N. J.

東皮紅集

歲知敬愛公今四十七年 矣被三傑者皆得從之遊 不待文而顯其文亦不待致而傳然不敢辭者自以 於門下士之末豈非時者之願也哉古之君子如伊尹 公獨不識以為平生之恨若獲桂名其文字中以自於 以後學者也准除侯見高帝於漢中論劉項短長畫取 公管仲樂毅之流其王霸之略皆定於畎畝中非 景見屬為飲义十三年乃克為之嗚呼公之功德以 年遂與其季德孺同僚于徐皆一見如舊且以公 卷三十四

一蜀之資以爭天下終身不易其言此豈口傳耳受嘗試 諸葛孔明即草廬中與先主策曹操孫權規取劉璋因 今其集二十卷為詩賦二百六十八為文一百六十五 傳誦至用為將權為執政为其平生所為無出此書者 已有憂天下致太平之意故為萬言書以遺军相天下 為之而僥倖其或成者哉公在天聖中居太夫人憂則 其於仁義禮樂忠信孝弟蓋如餘渴之於飲食欲須臾

钦定日事全書

東坡全集

三秦如指諸常及佐帝定天下漢中之言無一不酬者

怒者也元祐四年四月十一日 一者也又曰我戰則克祭則受福非能戰也德之見於 師尊之孔子曰有德者必有言非有言也德之發於

天言有大而非夸達者信之衆人疑馬孔子曰天之將

居士集飲

以斯文也後死者不得與於斯文也孟子曰禹柳洪水

然者雖弄翰戲語率然而作必歸於此故天下信其誠

忘而不可得如火之熱如水之濕蓋其天性有不得不

輕重以放其感故其學遂行秦以是喪天下陵夷至於 而上以是罔其上上之人僥倖一切之功靡然從之而 墨之道廢天下以為是固然而不知其功孟子既沒有 何與於天而禹之功與天地鱼孔子孟子以空言配之 已夸乎自春秋作而亂臣賊子懼五子之言行而楊 無大人先生如孔子孟子者推其本末權其禍福之 商韓非之學達道而趣利發民以厚主其說至陋也 作春秋而予距楊墨蓋以是配禹也文章之得 東坡全集

道所不出於孔氏而亂天下者多矣晉以老莊也梁以 說之移人雖豪傑之士有不免者況眾人乎自漢以來 此言之雖以孟子配禹可也太史公曰蓋公言黃老賈 勝廣劉項之禍死者十八九天下蕭然洪水之患蓋不 **誼晁錯明申韓錯不足道也而誼亦為之余以是知邪** 若是烈也使楊墨得志於天下其禍豈減於申韓哉由 一此也方秦之未得志也使復有一孟子則申韓為空 万四月在書 於其心害於其事作於其事害於其政者必不至

道其言簡而明信而通引物連類析之於至理以服人 子蓋庶幾馬愈之後三百有餘年而後得歐陽子其學 佛也莫或正之五百餘年而後得韓愈學者以愈配孟 心故天下翕然師尊之自歐陽子之存世之不說者謹 推韓愈孟子以達於孔氏著禮樂仁義之實以合於大 而攻之能折因其身而不能屈其言士無賢不肖不謀 而同曰歐陽子今之韓愈也宋與七十餘年民不知兵

富而教之至天聖景祐極矣而斯文終有愧於古士亦

豈人力也哉非天其孰能使之歐陽子沒十有餘年 通經學古為高以救時行道為賢以犯顏納該為忠長 育成就至嘉祐末號稱多士歐陽子之功為多嗚呼 因陋守舊論平而氣弱自歐陽子出天下爭自濯磨以 得其詩文七百六十六篇於其子非乃次而論之曰歐 明聖部修取士法風屬學者專治孔氏點異端然後風 始為新學以佛老之似亂周孔之真識者憂之賴天子 定四庫全書 / 豪考論師友淵源所自復知誦習歐陽子之書予 卷三十四

既老自謂六一居士云 似李白此非余言也天下之言也歐陽子韓脩字永叔 陽子論大道似韓愈論事似陸勢記事似可馬遷詩賦 境圖後序

之某為膠西守孔君實見代臨行出八境圖求太與 以遺南康人使刻諸石其後十七年其南遷過郡得 南康江水歲歲壞城孔君宗翰為守始作石城至今頼

覽所謂八境者則前詩未能道其萬一也南康士大夫!

書而刻之時犯君既沒不忍違其請紹聖元年八月十 者不可勝數所用皆中下品藥略計每千錢即得千 相與請於某日詩文告嘗刻石或持以去今已矣願作 所濟已及千人由此積之其利甚博凡人欲施惠而力 聖散子主疾功効非一去年春杭之民病得此藥全活 能自辨者猶有所止若合衆力則人有善利其行可 四月白言 聖散子後定

夏之交有入名者徑以施送本院告薄拘羅尊者以詞 、助縁疾病必相扶持功德豈有限量仁者惻隱皆 因吳郡陸廣秀才施此方并藥得之於智藏主禪 勒施一病比丘故獲報身身常無衆疾施無多常 師實澤乃鄉僧也其陸廣見在京施方并 製自立看後起施直至來在

not do don

之不待修飾而成器耳求為桓璧舞器其可平 為士之業盡此矣大學以明禮文以述志思以通其學 士之不能自成其患在於俗學俗學之患枉人之材室 志完氣所以言也王氏之學正如脫縣案其形模而出 氣以達其文古之人道其聰明廣其聞見所以學也正 人之耳目誦其師傳造字之語從俗之文才數萬言其 水丘仙夫治六經百家說為歌詩與揚州豪傑交游頭 送水丘秀才序

高有擇地而泰者顧其心常足而已坐於廟堂君臣唐 自適其適也過予而語行予謂古之君子有絕俗而 了曲以合規繩曾不得自伸其喙仙夫恥不得為將 於有用也仙夫其自惜哉今之讀書取官者皆屈折 也其在窮也能知舍其在通也能知用予以是卜 那之會搭浮沅湘遊瞿塘登高以望遠摇疑以泳容 有古丈夫風其出詞吐氣亦往往獨世俗子 人據稿梧擊朽枝而聲犂然不知其心之樂異以

大 AU T ET & ALIA

習而駐泊黄宗関舉止如諸生戎裝輕騎出馳絕忠 有殿直鄭亮借職繆進者皆騎而從弓矢刀架無い 雷勝隴西人以勇敢應募得官為京東第二將武力絕 天之還也仙夫勉矣哉若夫習而不試往即而獨後 騎射敏妙按閱於徐徐人欲觀其能為小獵城西又 ·英樂甚是日小雨南晴土潤風和觀者數千· **獬 會詩序**

子桓云建安十年始定冀州激貊貢良弓燕代獻名馬 直予曰益者三友何獨取諸此某曰夫直者剛者之長 兄子丹獵於郭西手獲樟鹿九狐東三十馳騁之祭自 韓城田益字遷之黃庭堅以謂不足以配名更之曰友 可喜耳衆客既各自寫其詩因書其未以為異日一笑 人武吏日以為常如曹氏父子横樂賦詩以傳於世乃 時歲之春勾芒司節和風扇物弓燥手柔草茂獸肥與 講田友直字序

於定日華全·香.

直友猶有四物有直而修於直者有直而陷於曲者 吾子擇益友也害以是觀之 直而修於直者也其父攘羊而子證之此直而陷於曲 曲而盜名直者有曲而遂其直者邦有道無道如矢此 吾子之過切磋琢磨成子金玉使子日知不足雖然取 隱此曲而逐其直者也其二端可願其二端不可顧 者也或乞醯馬乞諸其鄰此曲而盗名直者也子為父 天 諾諾不如一士之 跨 誇誠得直士與居彼不資

乞而亦有待發樂者以吾友之賢兹又異乞雖然我反 乞之曰與否友心肺之識幾三年矣非同項暫也今乃 念明於處已暗於接物其不可至死以不喜故讓罵 每過愛豈信然乎止於此可乎柳容有未至當勉乎自 旋然始籠絡蓋遮有所惜乎嗟僕之才陋甚也而吾友 別去遂默點而已手抑不足教手豈無事於教子 古者贈人以言彼雖不吾乞猶將發藥也蓋未有不吾

脯也一絲可衣也一瓦可居也詩書可樂也父子兄弟 曲將為陶乎將為矢乎山有蕨被可養也野有麋鹿 與物日件而取途且遠矣將明滅如草上之登乎浮沉 妻孥可游行也將謝世路而適吾所自適乎柳富貴 如水中之魚平陶者能圓而不能方矢者能直而不能 柳足恤乎將從從然與之合乎身且老矣家且窮至 以偷夢幻之快手行手止乎遅乎速乎吾友其可教

一默默而已非所以望吾友也

則樂失之則是是要樂係於進來平旦而起日與事 氣呼吸出入未嘗異也然而或存或亡者是其輕 我則喜忤我則怒是喜怒係於事矣耳悅五聲目悅 人江君以其名存之求字於予予字之日子静夫 弘以靜為主神以靜合心以靜之志以靜宣 一部有道得已則静逐物則動以一人之身畫夜 學者始學也既累於仕其仕也又累於進得 江子靜字序

就是日事 de dela

方且出而應物所謂静以存性不可不念也能得吾性 復為之於喜愛惡而累其真熟君齒少才銳學以待什 能存那喪其所存尚安明其已之是非與夫在物之 身而所係如此行流轉徙日遷月化則平日之所養尚 偽哉故君子學以辨道道以求性正則静静則定定 五色口悅五味真悅於臭是愛欲係於物矣以則然之 虚則明物之來也吾無所增物之去也吾無所虧豈 失其在已則何往而不適哉

雖有黃帝孔丘不能知其熟為誠熟為明也佛者曰戒 自明誠謂之教誠則明矣明則誠矣誠明合而道可見 審矣故夫有目而自行則寒衰疾走常得大道無目而 不能知其熟為一熟為六也子思子曰自誠明謂之性 生定定生慧慧獨不生定乎伶玄有言慧則通通則流 人鳥知真慧哉醉而在醒而止慧之生定通之不流也 生水地以六成之一六合而水可見雖有神馬 送錢塘僧思聰歸孤山飲

錢唐僧思聽七歲善彈琴十二捨琴而學書書既下 五捨書而學詩詩有奇語雲煙葱雕珠璣的樂識者 、則車輪曳踵常仆坑穿慧之生定速於定之生慧

灾匹厚全書

卷三十四

殊語字之曰聞復使聰日進不止自聞思修以至干 以為畫師之流聰又不已遂讀華嚴諸經入法界海彗 年二十有九老師宿儒皆敬愛之秦少游取楞嚴文

以為聰得道淺深之 前生之為永禪師也故人柳子玉寶此畫曰是唐) 聽能如本鏡以一含萬則書與詩當益奇吾將 師德與永禪師書笑謂琯曰頭憶此耶琯因帳然悟 察佛寺坐古松下和璞使人鑿地得獲中所 觀宋復古畫序 下盧氏與道士那和璞出游過

飲定日華全書

東坡全集

テハ

復古所臨者元祐六年三月十九日余自杭還朝宿果 趁何殊不答誦詩日度數形名豈偶然破琴今有十三 歲六月見子玉之子子丈于京師求得其畫乃作詩 其詩方衛衛而殊適至意其非夢也問之殊蓋不知是 其所謂既覺而忘之明日畫即復夢殊來理前言再誦 趁此生若遇那和葉方信秦等,是響果余夢中了然 而有十三弦余嘆息不已殊日雖損尚可修曰奈十三 松江夢長老仲殊挾琴過余彈之有異聲熟視琴頭捐

所著皆奇士也詩曰破琴雖未修中有琴意足誰云 二拉音節如佩玉新於雖高張絲聲不附木宛然之 「水草木盖妙絶一時仲殊本書生棄家學佛通的 動與世好逐陋矣房次律因循隨流俗懸心必 乃夢其上子玉名瑾善作詩及行草書復古名迪


於足可量 A Man.■

東坡全集

克

東坡全集卷三十四	東坡全住
	The state of the s
وسعده سدسته ساسته والمستعدد والمستعد والمستعدد والمستعدد والمستعدد والمستعدد والمستعدد والمستعد	
老三十四	金欠四個白雪

第八頁後三行君子之道豈必全兮按宋文鑑必 謹案卷三十三第四頁後六行畫僚衣而三易按 作不 宋文鑑原作 燥





校對官庶吉士臣陳

绿監生

臣

無吉士臣 張能

口公曾西安 東波全集卷三十五

詳校官助教臣常循

符而所謂身者汝之所寄也而所謂閣者汝之所以寄 文為記五返而益勤余不能已戲為浮屠語以問之曰 所寄也身與閣汝不得有而名為乎施名將無所施而 以意大師應符居成都玉谿上為閣曰清風以書來求 東坡全集卷三十五 記十三首 清風閣記 東坡全集 撰

遺形而强聽之木生於山水流於淵山與淵且不得有 安用記乎雖然吾為汝放心遺形而强言之汝亦放心 又為汝記之可也非感也風起於蒼茫之間彷徨乎山 為有邪則雖汝之有是風可也雖為居室而以名之吾 然世之所謂已有而不或者其與是奚辨若是而可以 汝為居室而以名之吾又為汝記之不亦大感飲雖 推而風於是馬生執之而不可得也逐之而不可及 人以為已有不亦感敏天地之相磨虚空與有物之

事以雨名志喜也古者有喜則以名物示不忘也周公 得禾以名其書漢武得鼎以名其年叔孫勝秋以名其 書試以是觀之 惟而不去也汝隱几而觀之其亦有得乎力生於所激 於定日華全書 子其喜之大小不齊其示不忘一也余至扶風之明年 而不自為力故不勞形生於所遇而不自為形故不窮 澤激越乎城郭道路虚徐演漾以汎汝之軒窓欄楯幔 喜雨亭記 東坡全集

賈相與歌於市農夫相與抃於野憂者以樂病者以愈 休息之所是歲之春雨麥於岐山之陽其占為有年既 始治官舍為事於堂之北而鑿池其南引流種樹以為 而吾事適成於是舉酒於亭上以屬客而告之曰五日 不雨則無未無麥無未歲且荐饑獄訟繁興而盗賊滋 不雨可乎日五日不雨則無麥十日不雨可乎日十日 民以為未足丁卯大雨三日乃止官吏相與慶於庭商 彌月不雨民方以為憂越三月己卯乃雨甲子又雨

連 優游而樂於此亭者皆雨之賜也其又可忘耶既以名 而南玉銭者不得以為栗一雨三日緊誰之力民曰太 戲則吾與二三子雖欲優游以樂於此事其可得耶今 **灾包司事私替 亭又從而歌之曰使天而雨珠寒者不得以為襦使天** 不遺斯民始旱而賜之以雨使吾與二三子得相與 以為功歸之太空太空冥冥不可得而名吾以名吾 太守不有歸之天子天子曰不然歸之造物造 東坡全集

始余丙申歲舉進士過扶風求舍於館人既入不可居

視客之所居與其凡所資用如官府如廟觀如數世富 而出次於逆旅其後六年為府從事至數日謁客於館

公之所新也自辛丑八月而公始至既至逾月而與功 人之宅四方之至者如歸其家皆樂而忘去將去既駕 馬亦顧其阜而嘶余名館吏而問馬吏曰令太守宋

五十有五日而成用夫三萬六千木以根計竹以竿計

之君子不擇居而安安則樂樂則喜從事使人而皆喜 常出於此而不足怪今夫宋公計其所歷而累其勤使 從事則天下何足治數後之君子常有所不屑則躁否 令胡允文具石請書其事余以為有足書者乃書曰古 無超虧於世則令且何為矣而猶為此官哉然而未當 則情躁則妄情則廢既妄且廢則天下之所以不治者 二十有八而民未始有知者余聞而心善之其明年縣 **瓦覽坯釘各以枚計務以石計者二十一萬四千七百**

飲定四車全書

有不屑之心其治扶風也視其碗貌者而安植之求其 蒙茸者而疏理之非特傳舍而已事復有小於傳舍者 於衣布當為其大者不屑為其小此天下之通患也詩 事者則是真足書也 居而安安而樂樂而喜從事與夫修傳舍誠無足書者 公未當不盡心也當食易泰者難於食菜當衣錦者 曰豈弟君子民之父母所貴乎豈弟者豈非以其不擇 以傳舍之修而見公之不擇居而安安而樂樂而喜從

本之上者累累如人之旅行於墙外而見其髻也曰是 其未築也太守陳公杖優逍遥於其下見山之出於林 所以損益而物理有不當然者此凌虚之所為菜也方 最高其勢必得而太守之居未當知有山馬雖非事之 莫高於終南而都邑之麗山者莫近於扶風以至近求 臺因於南山之下宜若起居飲食與山接也四方之山 飲定四車全書 東坡全集 必有異使工盤其前為方池以其土蒜臺高出於屋之簷

臺之復為荒草野田皆不可知也嘗試與公登臺而望 其東則秦穆之祈年雲泉也其南則漢武之長楊五作 伏方是時豈知有凌虚臺耶廢興成毀相尋於無窮則 而其北則隋之仁壽唐之九成也計其一時之盛宏傑 得而知也昔者荒草野田霜露之所蒙翳狐虺之所窜 山之踊躍奮迅而出也公曰是宜名凌虚以告其從事 而止然後人之至於其上者仍然不知臺之高而以為 而求文以為記載復於公日物之廢與成毀不可

禾黍荆棘丘塩隴山矣而况於此臺與夫臺猶不足恃 世之後欲求其髣髴而破瓦頹垣無復存者既已化為 諺 麗堅固而不可動者豈持百倍於臺而已哉然而數 佛之道難成言之使人悲酸愁苦其始學之皆入山林 之存亡也既已言於公退而為之記 欲以考世而自足則過矣益世有足恃者而不在乎喜 以長久而况於人事之得丧忽往而忽來者數而或之 中和勝相院記

身念之寝食見之如是僅可以稱沙門比丘雖名為不 一段荆棘地虺袒裸雪霜或到割屠膾燔燒烹養以肉旬 後成其不能此者猶棄絕骨肉衣麻布食草木之實畫 虎豹鳥鳥蚊蚋無所不至如苦含辛更百千萬億年而 務苦齊其身自身口意莫不有禁其暑十其詳無數終 · 使体小民之所樂今何其華家毀服壞毛髮者之多也 鱼定四庫全書: 日力作以給薪水糞除暮夜持膏水薰香事其師如生 而食然其勞者早辱則過於農工遠矣計其利害非

其名治其荒唐之説攝衣升坐問答自若謂之長老吾 患若者我皆免馬吾師之所謂戒者為愚夫未達者設 意亦有所便數寒耕暑転官又名而役作之凡民之所 當究其語矣大抵務為不可知設械以應敢匿形以備 發赤然業已為是道勢不得以惡聲相反則笑曰是外 敗窘則推墮混漾中不可捕捉如是而已矣吾游四方 也若我何用是為到其思專取其利不如是而已又愛 見賴反覆折困之度其所從遁而逆閉其塗往往面頸

者始遊成都見文雅大師惟度器宇落落可愛渾厚了 道魔人也吾之於僧慢侮不信如此今寶月大師惟簡 新定四庫全書 如官府二僧皆吾之所愛而此院又有唐僖宗皇帝像 惟簡則其同門友也其為人精敏過人事佛齊衆誰 也能言唐末五代事傳記所不載者因是與之遊甚 乃以其所居院之本末求吾文為記豈不謬哉然吾昔 而不遂滅者既足以感慨太息而畫又皆精妙冠世有 及其從官文武七十五人其奔走失國與其所以将亡

是院而度亡至 傳六世至度與簡簡姓蘇氏眉山人吾遠宗子也今主 足稱者故强為記之始居此者京兆人廣寂大師看 四菩薩閣記

始吾先君於物無所好無居如齊言笑有時顧嘗

弟子門人無以悦之則爭致其所嗜庶幾一解其顏故

雖為布衣而致畫與公卿等長安有故藏經龍唐明

所建其門四達八版皆具道子畫陽為苦陸陰為

欽

定四庫全書

東坡全集

火中拔其四版以逃既重不可負又追於賊恐不能全 人惟簡誦其師之言教軾為先君捨施必所甚愛與所 戦歸其直而取之以獻諸先君先君之所嗜百有餘品 板留於是百八十年矣客有以錢十萬得之以示軾者 遂竅其兩版以受有西奔於岐而寄死於鳥牙之僧舍 王凡十有六驅廣明之副為賊所焚有僧忘其名於兵 一旦以是四板為甲治平四年先君沒於京師軾自汁 谁亦于江載是四版以歸既免丧所當與往來浮屠

之而其子孫不以易衣食者鮮矣余惟自度不能長守 多矣有能及三世者乎其始求之若不及既得惟恐失 能守而焚於賊者也而况於余乎余視天下之蓄此者 者莫若是版故遂以與之且告之曰此明皇帝之所不 此也是以與子子將何以守之簡曰吾以身守之吾眼 欽定四軍全書 也足以終子之世而已簡曰又盟於佛而以思守之凡 不忍捨者軾用其說思先君之所甚愛軾之所不忍捨 可霍吾足可都吾畫不可奪若是足以守之數載曰未 東坡全集

其子孫難矣而况能久有此乎且夫不可取者存乎子 其誰忍取之若其聞是而不俊不惟一觀而已將必取 戴曰未也世有無佛而茂思者然則何以守之曰載之 之然後為快則其人之賢愚與廣明之焚此者一也全 以是予子者凡以為先君捨也天下豈有無父之人與 取是者與凡以是予人者其罪如律若是足以守之熟 何知馬既以予簡簡以錢百萬度為大閣以藏之且畫 取不取者存乎人子勉之矣為子之不可取者而已又

先君像其上軾助錢二十之一期以明年冬閣成熙富 元年十月二十六日記 余為文以頌君德則與可之於君信厚矣與可之為人 其一群今與可又能以墨象君之形容作堂以居君而屬 退而一面沒者多矣獨王子猷謂竹君天下從而君之無 爾汝之雖公卿之貴天下貌畏而心不服則進而君公 凡人相與號呼者貴之則曰公賢之則曰君自其下則 墨君堂記 東坡全集

抗勁無聲色臭味可以惧悦人之耳目鼻口則與可之 未至若雪霜風雨之切於肌膚也而士鮮不以為欣戚 丧其所守自植物而言之四時之變亦大矣而君獨不 厚君也其必有以賢君矣世之能寒燠人者其氣酸亦 顧雖微與可天下其孰不賢之然與可獨能得君之深 以求交於與可者非一人也而獨厚君如此君又陳簡 也端静而文明哲而忠士之脩潔博習朝夕磨治洗濯 定匹庫全書

而知君之所以賢確容談笑揮灑奮迅而盡君之德雅

屬朋友之象而藏於吾室以為君之别館云 性矣余雖不足以知君願從與可求君之民弟子孫族 壯枯老之容披折偃仰之勢風雪凌厲以觀其操崖石 木水波煙雲雖無常形而有常理常形之失人皆知之| 余嘗論畫以為人禽官室器用皆有常形至於山石竹 群居不倚獨立不懼與可之於君可謂得其情而盡其 **举确以致其節得志遂茂而不驕不得志疼痛而不辱** 淨因院畫記

於定四車全書

東坡全集

者必託於無常形者也雖然常形之失止於所失而不 能病其全者常理之不當則舉廢之矣以其形之無常 常理之不當雖晓畫者有不知故凡可以欺世而取名 如是而係達遂茂根並節葉牙角脉縷干變萬化未始 謂得其理者矣如是而生如是而死如是而學奉齊 於其理非高人逸才不能辨與可之於竹石枯木真可 相襲而各當其處合於天造厭於人意益達士之所寓 以其理不可不謹也世之工人或能由盡其形而至

余言之不妄 年二月作墨妙事於府第之北逍遥堂之東取凡境内 之矣故余并為記之必有明於理而深觀之者然後知 於其東齊臻方治四壁於法堂而請於與可與可既許 也與昔歲嘗畫兩叢竹於淨因之方丈其後出守陵陽 熙寧四年十一月高郵孫幸老自廣德移守吳與其明 而西也余與之伯别長老道蘇師又畫两竹梢一枯木 墨妙亭記

次配引起 加加

東坡全集

當日夜治文書赴期會不能復雜容自得如故事而幸 自漢以來古文遺刻以實之吳與自東晋為善地號為 勞來出於至誠富有餘者皆爭出殼以佐官所活至不 · 好投壺飲酒為事自華老之至而歲適大水上田皆不 登湖人大錢將相率亡去幸老大振原勘分躬自撫循 非特有事於其地者不至馬故凡守都者率以風流嘯 山水清遠其民足於魚稻蒲蓮之利寡求而不爭實客 可勝計當是時朝廷方更化立法使者旁午以為華老

老益喜賓客賦詩飲酒為樂又以其餘暇網羅遺逸得 前人賦詠數百篇為吳與新集其刻畫尚存而僵仆斷 缺於荒陂野草之間者又皆集於此事是歲十二月余 俄而變壞至於功名文章其傳世垂後猶為差久今乃 物必歸於盡而恃形以為固者尤不可長雖金石之堅 以事至湖周覽數息而幸老求文為記或以謂余凡有 而幸老又將深簷大屋以錮留之推是意也其無乃幾 以此託於彼是久存者反求助於速壞此既昔人之惡

钦定四事全書.

東坡全集

有與必有亡也雖知其然而君子之養身也凡可以久 生而緩死者無不用其治國也凡可以存存而故亡者無 名物於左云 無足爭者而其理則不可以不辨故具載其說而列其 無憾物之有成必有壞譬如人之有生必有死而國之 不為至於不可奈何而後已此之謂知命是事之作否 墨寶堂記

於不知命也夫余以為知命者必盡人事然後理足而

言而不見於行事此不得已者之所為也而其所謂功 自以為高而笑之彈琴來恭當古法書圖畫客至出而 世人之所共嗜者美飲食華衣服好聲色而已有人馬 士又相與笑之以為士當以功名聞於世若乃施之空 表見於後世者以有言語文章也是惡足好而豪傑之 夸觀之自以為至矣則又有笑之者曰古之人所以自 名者自知效一官等而上之至於伊日稷與之所營劉 項湯武之所爭極矣而或者猶未免乎笑曰是區區者

有棄驅忘親而馳之者故有好書而不得其法則扮心 臭味足以移人哉方其樂之也雖其口不能自言而况 聖血幾死而僅存至於剖冢野棺而未之是豈有聲色 曾何足言而許由辭之以為難仲尼知之以為博由此 室而藏之屬奈為記余蜀人也蜀之誌日學書者紙費 言之世之相笑豈有既乎士方志於其所欲得雖小物 君希元家世好書所當古令人遺迹至多盡刻諸石祭 他人乎人特以已之不好笑人之好則過矣毗陵人張 卷三十五

學醫者人費此言雖小可以喻大世有好功名者以其 未試之學而驟出之於政其費人宣特醫者之比乎今 潮水避錢塘而東擊西陵所從來遠矣沮如斥鹵化為 之所言者為鑒 必將大發之於政君知政之費人也甚於醫則願以余 張君以兼人之能而位不稱其才優游終歲無所役其 心智則以書自娱然以余觀之君豈久閒者蓄極而通 錢塘六井記 東坡全集

桑麻之區而久乃為城邑聚落凡令州之平陸皆江之 史白公樂天治湖沒井刻石湖上至于今賴之始長源 宰相李公長源始作六井引西湖水以足民用其後刺 故地其水苦惡惟負山鑿井乃得甘泉而所及不廣唐 六井其最大者在清湖中為相國井其西為西井少西 而東至錢塘縣治之南為小方井而金十之廢久矣嘉 而北為金牛池又北而西附城為方井為白龜池又北

祐中太守沈公文通又於六井之南絶河而東至美俗

井高水行地中率常不應公曰嘻甚矣吾在此可使民 問民之所病皆曰六井不治民不給於水南井溝庫而 城而東者南井相國方井之所從出也若西井則相國 求水而不得乎乃命僧仲丈子珪辨其事仲文子珪又 開此六井之大暑也熙寧五年秋大守陳公述古始至 之派别者也而白龜池小方井皆為匿溝湖底無所用 坊為南井出湧金門並湖而北有水閘三注以石溝貫 引其徒如正思坦以自助凡出力以佐官者二十餘人

钦定四車全書

東坡全集

井常厭水矣凡為水閘四皆垣墙局鍋以護之明年春 東絕三橋以入于石溝注于南井水之所從來高則南 南注于河干艘更載瞬息百斛以方井為近於濁惡而 於是發清易養完緝罅漏而相國之水大至坎滿溢流 幹衣浴馬不及於上池而列二 開於門外其一赴三池 還之少西不能五步而得其故基父老繁日此古方井 而决之河其一納之石檻比竹為五管以出之並河而 也民李甲運之於此六十年矣疏涌金池為上中下使

甚急此天下之通思也豈獨水哉故詳其語以告後之 早至於井竭非歲之所常有也以其不常有而忽其所 人使雖至於久遠廢壞而猶有考也 是時沒者皆誦佛以祝公余以為水者人之所甚急而 南出龍山北至長河鹽官海上皆以飲牛馬給沐浴方 在貯水相的如酒體而錢塘之民,看足所任舟楫所及 飲定四庫全書 六井畢脩而歲適大旱自江淮至浙右井皆竭民以墨 仁宗皇帝御飛白記 東坡全集

才智不用而道德有餘功業難名而福禄無窮升遐以 光明傷偉深厚雄傑不可窺較而其小者猶能敦朴愷 抢之本不生於步伊之丘 千金之子不出於二家之市 悌靖恭持重號稱長者當是之時天人和同上下雖心 私竊覽觀四十餘年之間左右前後之人其大者固己一 臣當建事仁宗皇帝其愚不足以測知聖德之所至獨 子曰誦其詩讀其書不知其人可乎是以論其世也合 問世之治亂必觀其人問人之賢不肖必以世考之孟

一來十有二年若臣若子問有內外下至深山窮谷老婦 官在太常職在太史於法得書且以為抱鳥號之弓不 識其為人其流風遺俗可得而稱者以世考之也照寧 六年冬以事至姑蘇其子海出慶歷中所賜公端敏字 力馬太子少傅安簡王公諱舉正臣不及見其人矣而 有不流涕稽首者也此豈獨上之澤數凡在廷者與有 二飛白筆一以示臣且謂臣記之將刻石而傳諸世臣 推子外薄四海裔夷君長見當時之人間當時之事未


下之所同也其材同其水大之齊均其寒媛燥濕之候 若因褒貶以想見其所與之人或藏於名山或流於四 羊承以為羞五味以為和林稻以為酒麴葉以作之天 方凡見此者皆當聳然而作如望旄頭之塵而聽屬車 若藏此筆實曲阜之履不若傳此書考追盡以論音聲 之音相與勉為忠厚而耻為浮溝或由此也夫 不若推點畫以究觀其所用之意存昌歌以追嗜好不

學者之病亦然天文地理音樂律歷宫廟服器冠昏丧 是也而一以意造則其不為人之所唱棄者寡矣今吾 紀之法春秋之所去取禮之所可刑之所禁歴代之所 知酒食之所以美也而畧其分齊捨其度數以為不在 見馬人見其二也則求精於數外而棄迹以逐妙曰我 不能者循數以得其累其出一也有能有不能而精粗 數取與然古之為方者未當遺數也能者即數以得妙 一也而二人為之則美惡不齊豈其所以美者不可以

其所亡者果何物而所能者果何事飲孔子曰吾當終 七與其所能皆可以一二數而日月見也如今世之學 其所七月無忘其所能可謂好學也已古之學者其所 皆不足學學其不可載於書而傳於口者子夏曰日知 而徒思者孔子之所禁而令世之所上也豈惟吾學者 日不食終夜不寝以思無益不如學也由是觀之廢學 以廢與與其人之賢不肯此學者之所宜盡力也曰是

至於為佛者亦然齊戒持律講誦其書而崇飾塔廟此

中無心其口無言其身無為則飽食而嬉而已是為大 佛之所以日夜教人者也而其徒或者以為齊戒持徒 三十餘年鉄積寸累以迄于成其高九仍為大屋四重 觀世音像而誦其名千萬遍已而力不給則縮衣節口 年而得惡疾且死自誓於佛願持律終身且造干手眼 不如無心講誦其書不如無言崇飾塔廟不如無為其 钦定四車全書 . 以欺佛者也杭州鹽官安國寺僧居則自九歲出家十 以居之而求文以為記余嘗以斯言告東南之士矣益



飲定四車全書 見 吾安往而不樂夫所為求福而辭禍者以福可喜而禍 也餔糟啜漓皆可以醉果疏草木皆可以能推此類也 凡物皆有可觀的有可觀皆有可樂非必怪奇幸麗之 可悲也人之所欲無窮而物之可以足吾欲者有盡美 東坡全集卷三十六 記十四首 東坡全集 撰 一勞去雕墻之美而庇来禄之居背湖山之觀而行桑麻 情也哉物有以益之矣彼遊於物之内而不遊於物之 又烏知勝負之所在是以美惡横生而憂樂出馬可不 彼挾其高大以臨我則我常眩亂反覆如除中之觀勵 惡之辨戰乎中而去取之擇交乎前則可樂者常少而 大哀乎余自錢塘移守膠西釋舟楫之安而服車馬之 外物非有大小也自其内而觀之未有不高且大者也 可悲者常多是謂求禍而辭福夫求禍而辭福豈人之

索然日食犯前人固疑余之不樂也處之期年而貌加 之野始至之日歲比不受盗賊滿野微訟充斥而齊厨 亦安予之拙也於是治其園園潔其庭宇代安丘高密 豐髮之白者日以反黑余既樂其風俗之淳而其吏民 則盧山秦人盧敖之所從道也西望穆陵隱然如城郭 耳常山出没隱見若近若遠無幾有隱君子乎而其東 者舊矣稍革而新之時相與登覽放意肆志馬南望馬 之木以脩補破敗為哲完之計而園之北因城以為臺

蔬取池魚釀林酒淪脱栗而食之日樂哉遊乎方是時 余之無所往而不樂者益遊於物之外也 余弟子由適在濟南間而賦之且名其臺曰超然以見 常山在東武郡治之南二十里不甚高大而下臨城中 温雨雪之朝風月之夕余未嘗不在客未當不從摘園 思淮陰之功而吊其不終臺高而安深而明夏凉而冬 師尚父齊桓公之遺烈猶有存者此俯継水概然太息 零泉記

灾匹属全意 →

武濱海多風而溝瀆不留故率常苦旱禱於故山未常 餘流溢去達于山下兹山之所以能常其德出雲為雨 起居寢食無往而不見山者其神食於斯民固宜也東 如在山下难堪樓觀髮解可數自城中望之如在城上 以信於斯民者意其在此而號稱不立除治不嚴農民 南十五步有泉汪洋折旋如車輪清凉滑甘冬夏若 八年春夏早軾再禱馬皆應如響乃新其廟廟門之西 不應民以其可信而恃益有常德者故謂之常山熙軍

名之曰零泉古者謂吁嗟而求雨曰零令民吁嗟其所 易之乃琢石為并其深七尺廣三之二作亭於其上而 嗟常山東武之望匪石嚴嚴惟德之常吁嗟零泉惟山 之涌溢赴節堂堂在位有號不聞我愧于中何以額神 之滋維水作聰我民所噫我歌雲漢于泉之側誰其尸 作吁嗟之詩以遺東武之民使歌以祀神而勉吏云吁 所求如常山雪泉之可信而恃者乎軾以是愧於神乃 不獲而呻吟其所疾痛亦多矣更有能聞而哀之答其

樂天池上之詩以為醉白堂之歌意若有羡於樂天而 一种尸其昧我職其著各率爾職神不汝棄酌山之泉言 故魏國忠獻韓公作堂於私第之沙上名之曰醉白取 实 A 日 和 在 在 東坡全集 樂天而已乎方且願為尋常無聞之人而不可得者天 矣而猶有美於樂天何哉軾聞而笑曰公豈獨有美於 不及者天下之士聞而疑之以為公既已無愧於伊周 採其流跪以薦神神其吐之 醉白堂記

之生是人也将使任天下之重則寒者求衣機者求食 謀安宗廟而不自以為功急賢才輕爵禄而士不知其一 平憂思之域而行乎利害之塗豈其所欲哉夫忠獻公 · 熟無則後世之論有不可欺者矣文致太平武定亂器 樂天之平生而求之於公較其所得之厚薄淺深孰有 而留之其釋也當是時其有美於樂天無足怪者然以 既已相三帝安天下矣浩然將歸老於家而天下共挽 凡不獲者求得尚有以與之将不勝其求是以終身處

其所無自少將推其同者而自託馬方其寓形於一醉 文采表於後世死生弱達不易其操而道德高於古人 此樂天之所有而公之所無也忠言嘉謀效於當時而 山水園池之樂府有餘帛原有餘栗而家有聲伎之奉 於强健之時退居十有五年日與其朋友賦詩飲酒盡 此公與樂天之所同也公既不以其所有自多亦不以 下以其身為安危此公之所有而樂天之所無也乞身

節定日華 红香

東坡全集

恩殺伐果敢而六軍安之四夷八蠻想聞其風采而天

者遊非獨自比於樂天而已古之君子其處已也厚其 也齊得丧忘禍福混貴賤等賢愚同乎萬物而與造物 賢於人也遠矣昔公當告其子忠彦将求文於軾以為 浩自以為子房然世終莫之許也由此觀之忠獻公之 聖而自比於老彭自同於丘明自以為不如顏淵後之 自以為禹司馬長卿自以為相如楊雄自以為孟軻崔 君子實則不至而皆有耻心馬臧武仲自以為聖白主 取名也康是以實浮於名而世誦其美不厭以孔子之

膚禁切其飲食之美者期月而百疾作内熱惡寒而於 始吾居鄉有病寒而效者問諸醫醫以為盡不治且殺 記而未果既葬忠彦以告軾以為義不得辭也乃泣而 旦朝吐之暮夜下之於是始不能食懼而反之則鍾乳 不已累然直盡者也又求於醫醫以為熱授之以寒炎 、取其百金而治之飲以蟲藥攻伐其腎腸燒灼其體 益公堂記 東坡全集

醫而疾愈甚里老父教之曰是醫之皇華典之過也子何 鳥噪雜然並進而瘭疽癰亦眩瞀之狀無所不至三易 鱼定匹库全書 為國者亦然吾觀夫秦自孝公以來至于始皇立法更 疾之有人之生也以氣為主食為輔令子終日藥不釋 大藥之民者可以一飲而效從之期月而病良已昔之 也子退而休之謝醫却藥而進所嗜氣完而食美矣則 制以鶴磨銀銀其民可謂極老肅何曹參親見其對丧 口臭味亂于外而百毒戰于內勞其主隔其輔是以病

使人請之益公為言治道貴清净而民自定推此類具 數言人人殊參未知所定聞膠西有益公善治黃老言 之禍而收其民於百戰之餘知其厭苦憔悴無聊而不 守知公之為邦人也求其墳墓子孫而不可得慨然懷 相台長老諸先生問所以安集百姓而齊故諸儒以百 言之參於是避正堂以舍益公用其言而齊大治其後 以其所以治齊者治天下天下至今稱賢馬吾為膠西 可與有為也是以一切與之休息而天下安始參為齊 東坡全集

望如引繩名之日益公堂時從實客僚吏遊息其間而 堂之北易其弊随達其壅蔽重門洞開盡城之南北相 之師其言想見其為人無幾復見如公者治新寢於黃 鱼定四库全書 往來其間乎吾何足以見之 多隱君子可聞而不可見可見而不可致安知益公不 師可謂盛矣而史不記其所終豈非古之至人得道而 不敢居以待如公者馬夫曹参為漢宗臣而益公為之一 不死者與膠西東並海南放于九仙北屬之牢山其中

後見易象與魯春秋季礼聘於上國然後得聞詩之風 觀書當是時惟周之柱下史聃為多書韓宣子適魯然 賢不肖之所得各因其才仁智之所見各随其分才分 竭悦於人之耳目而適於用用之而不弊取之而不竭 不同而求無不獲者惟書乎自孔子聖人其學必始於 石草水絲麻五穀六材有適於用而用之則弊取之則 **象犀珠玉怪珍之物有悦於人之耳目而不適於用金** 李氏山房藏書記

飲定四車全書 **■**◆

東坡全集

讀惟恐不及近歲市人轉相夢刻諸子百家之書日傳 學者益以哲簡何哉余猶及見老儒先生自言其少時 欲求史記漢書而不可得幸而得之皆手自書日夜誦 者益衆紙與字畫日趨於簡便而書益多世其不有然 目於禮樂深於道德非後世君子所及自秦漢以來作 之生於是時得見六經者益無幾其學可謂難矣而皆 雅頌而楚獨有左史倚相能讀三墳五典八索九丘士

萬紙學者之於書多且易致如此其文詞學術當倍在

者供其無窮之求而各足其才分之所當得是以不藏 以聞名於當世矣而書固自如也未當少損將以遺來 其華實而咀嚼其膏味以為已有發於文詞見於行事 山房藏書凡九千餘卷公擇既已涉其流探其源採剥 之僧舍公擇既去而山中之人思之指其所居為李氏 於家而藏於其所故居之僧舍此仁者之心也余既衰 何也余友李公擇少時讀書於廬山五老奉下白石庵

於昔人而後生科舉之士皆東書不觀游談無根此又

飲乞回車全書 · 東坡全集

書而不讀為可惜也 微物足以為樂雖尤物不足以為病留意於物雖微物 君子可以寓意於物而不可以留意於物寓意於物雖 且病無所用於世惟得數年之間盡讀其所未見之書 而廬山固所願遊而不得者益将老馬盡發公擇之造 一言使來者知昔之君子見書之難而令之學者有 六餘棄以自補無有益乎而公擇求余文以為記乃 實繪堂記

然聖人未當廢此四者亦聊以寓意馬耳劉備之雄才 五音令人耳聾五味令人口典馳騁田獵令人心發在一 發塚宋孝武王僧度至以此相思桓女之走舸王涯之 留意而不釋則其禍有不可勝言者鍾繇至以此唱血 也而好結笔嵇康之達也而好銀鎮阮孚之放也而好 足以為病雖尤物不足以為樂老子曰五色令人目言 蠟展此豈有聲色臭味也哉而樂之終身不厭凡物之 可喜足以悦人而不足以移人者莫若書與畫然至其

飲定日車至書 一

東坡全集

於是乎二物者常為吾樂而不能為吾病尉馬都尉王 其不吾子也既而自笑曰吾薄當貴而厚於書輕死生 時當好此二者家之所有惟恐其失之人之所有惟恐 雲之過眼百鳥之感耳豈不欣然接之去而不復念也 後壁皆以兒戲害其國山其身此留意之禍也始吾少 君晉卿雖在戚里而其被服禮義學問詩書常與寒士 而重畫豈不顛倒錯終失其本心也哉自是不復好見 可喜者雖時復畜之然為人取去亦不復惜也譬之煙

角平居攘去膏梁屏遠聲色而從事於書畫作寶繪堂 遺風而他都之所莫及也始朝廷以聲律取士而天聖 於私第之東以蓄其所有而求文以為記恐其不幸而 吾州之俗有近古者三其士大夫貴經術而重氏族其 類吾少時之所好故以是告之庶幾全其樂而遠其病 民尊吏而畏法其農夫合耦以相助益有三代漢唐之 也思寧十年七月二十二日記 眉山遠景樓記), d.to 1991

東坡全集

漢文詞為宗師方是時四方指以為迁闊至於郡縣胥 吏皆挾經載筆應對進退有足觀者而大家顯人以門 年不忘富商小民常儲善物而别異之以待官吏之求 像事之而其賢者則記録其行事以為口實至四五十 且富不通婚姻其民事太守縣令如古君臣既去輔畫 以前學者猶襲五代文弊獨吾州之士通經學古以西 相上推次甲乙皆有定品謂之江鄉非此族也雖貴 臧律令往往通念而不以為非雖薄刑小罪終身有

完匹庫全書 ·

者畢出數十百人為曹立表下漏鳴鼓以致聚擇其徒 為東所畏信者二人一人掌鼓一人掌漏進退作止惟 此故其民皆聰明才智務本而力作易治而難服守令 事而會之田多而丁少則出錢以償衆七月既望穀艾 **欽定四庫全書** 以祀田祖作樂飲食醉飽而去歲以為常其風俗益如 而草衰則仆鼓決漏取罰金與債衆之錢買羊豕酒醴 二人之聽鼓之而不至至而不力皆有罰量田計功終 不敢犯者歲二月農事始作四月初吉穀稚而草壮耘 一管不道黎侯之善而永文以為記嗟夫軾之去鄉久矣 始至視其言語動作輕了其為人其明且能者不復以 僚吏游處其上軾方為徐州吾州之人以書相往來未 忍其去相率而留之上不奪其請既留三年民益信遂 事試終日寂然尚不以其道則陳義秉法以譏切之故 以無事因守居之北痛而增築之作遠景樓日與實客 也簡而文剛而仁明而不苛衆以為易事既淌將代不 不知者以為難治令太守黎侯布聲軾先君子之友人

昔人豈弟之澤而賢守令撫循教誨不倦之力也可不 然且録之今吾州近古之俗獨能累世而不遷益者老 故丘布衣幅中從邦君於其上酒酣樂作援筆而賦之 之所以樂斯樓之成而欲記馬者豈非上有易事之長 钦定日事公書 録乎若夫登臨覽觀之樂山川風物之美軾将歸老於 馬者借人乗之今七旦天是二者於道未有大損益也 而下有易治之俗也哉孔子曰吾猶及史之闕文也有

所謂遠景樓者雖想見其處而不能道其詳矣然州人

以項黎侯之遺愛尚未晚也元豐元年七月十五日記 膝縣公堂記

豐車服必安宫室必壯使令之人必給則人輕去其家 君子之仕也以其才易天下之養也才有大小故養有 厚薄尚有益於人雖属民以自養不為泰是故飲食必

而重去其國如使衣食非惡不如吾私官室弊陋不如

吾盧使令之人朴野不足不如吾僮奴雖君子安之無

不可者然人之情所以去父母捐墳墓而遠游者豈康

安逸而思勞者也哉至於宫室益有所從受而傳之無 來所在務為儉陋尤諱土木管造之功軟灰腐壞轉 聖元年縣令太常博士張君太素實始改作凡五十 窮非獨以自養也今日不治後日之費必倍而比年以 於定日華全書 一 之公堂吏舍凡百一十有六間高明碩大稱子男邦君 號為難治庭宇陋甚莫有黃者非惟不敢亦不暇自天 二年而赞善大夫范君純粹自公府禄謫為今復 一付不敢擅易一樣此何義也膝古邑也在宋魯之間 東坡全集

館權知徐州軍事蘇軾記 之居而寢室未治治君非嫌於奉已也曰吾力有所去 二耳元豐元年七月二十二日尚書祠部員外即直中 莊子蒙人也曾為蒙漆園吏沒千餘歲而蒙未有祀之 而徐公固自若也故天下以為嗇君子之度一也時自 而徐公不改其常故天下以為泰其後世俗日以奢靡 暇而已昔毛孝先崔季珪用事士皆變易車服以求名 莊子祠堂記 卷三十六

されていたとう はない たかれ ながれる かんかい いっぱい かいかい

楚公子微服出亡而門者難之其僕操盖而罵曰隸也 莊子與梁惠王齊宣王同時其學無所不閱然要本歸 父盗蹠胠箧以武訾孔子之徒以明老子之術此知莊 於老子之言故其著書十餘萬言大抵率寓言也作漁 者縣令秘書丞王苑始作祠堂求文以為記謹按史記 子則不可以為事公子之法亦不可故莊子之言皆實 子之粗者余以為莊子益助孔子者要不可以為法耳 不力門者出之事固有倒行而逆施者以僕為不愛公

一者真誠孔子者至於讓王説劒皆淺陋不入於道反復 家而孔子不與其尊之也至矢然余當疑盗雖漁义則 觀之得其寓言之意終日陽子居西遊於秦遇老子老 彭蒙慎到田駢關尹老聃之徒以至於其身皆以為一 予而文不予陽擠而陰助之其正言益無幾至於該告 陽子居整然變容其往也舍者將迎其家公執席妻 子曰而睢睢而吁盱而誰與居太白若辱盛德若不足 孔子未當不微見其意其論天下道術自墨雅禽滑釐 定匹庫全書 一

祭冠之齊中道而反曰吾驚馬吾食於十聚而五聚先 其讓王說劍漁父盗雖四篇以合於列禦冠之篇曰列 熙寧十年秋彭城大水雲龍山人張君之草堂水及其 俗非莊子本意元豐元年十一月十九日記 勒之以入其言余不可以不辨凡分章名篇皆出於世 飽然後悟而笑曰是固一章也莊子之言未終而昧者 中櫛舍者避席場者避竈其反也舍者與之爭席矣去

於定四事全書 一


東坡全集

其所如或立於陂田或翔於雲表真則係東山而歸故 木際天秋冬雪月千里一色風雨晦明之間俯仰百變 半扉明年春水落遷於故居之東東山之麓升高而望 得異境馬作事於其上彭城之山岡嶺四合隱然如大 名之曰放鶴亭郡守蘇軾時從實客僚吏往見山人飲 環獨缺其西十二而山人之事適當其缺春夏之交草 酒於斯亭而樂之挹山人而告之日子知隱居之樂乎 山人有二鶴甚馴而善飛旦則望西山之缺而放馬縱

一清遠間放如鶴者猶不得好好之則亡其國而山林遁 伶阮籍之徒以此全其真而名後世嗟夫南面之君雖 作酒語衛武公作抑戒以為荒惑敗亂無若酒者而劉 塵垢之外故易詩人以比賢人君子隱德之士狎而玩 雖南面之君未可與易也易曰鳴鶴在陰其子和之詩 世之士雖荒惑敗亂如酒者猶不能為害而况於鶴乎 之宜若有益而無損者然衛懿公好鶴則亡其國周公 日鶴鳴于九斗聲聞于天益其為物清遠間放超然于

钦定四車全書 题

東坡全集



臨義而思利則義必不果臨戰而思生則戰必不力若 於是凡吾之所為必思而後行子為我記之嗟夫余天 建安章質夫菜室於公堂之西名之曰思曰吾将朝夕 未至已發而思之則無及以此終身不知所思言發於 惡臭豈復臨事而後思計議其美惡而避就之哉是故 故卒吐之君子之於善也如好好色其於不善也如惡 心而衝余口吐之則逆人如之則逆余以為寧逆人也 下之無思慮者也遇事則發不暇思也未發而思之則

夫窮達得丧死生禍福則吾有命矣少時遇隱者曰濡 之言有會於余心余行之且夫不思之樂不可名也虚 子近道少思寡欲曰思與欲若是均乎曰甚於欲庭有 並育而不相害道並行而不相悖以質夫之賢其所謂 而睡將以是記思堂不亦終乎雖然言各有當也萬物 之孰先竭曰必蟻漏者思慮之賊人也微而無問隱者 而明一而通安而不懈不處而静不飲酒而醉不閉目 二益以畜水隱者指之曰是有蟻漏是日取一升而棄

皮四庫全書 | ■

四日記 於墓禮與日禮也季武子之丧曾點倚其門而歌仲尼 之遺音曰噫嘻悲夫此宋司馬桓雕之墓也或曰鼓琴 上登桓山入石室使道士戴日祥鼓雷氏之琴操履霜 元豐二年正月已亥晦春服既成從二三子游於泗之 游桓山記 東坡全集

我願學馬詩曰思無邪質夫以之元豐元年正月二十

思者豈世俗之管管於思慮者乎易曰無思也無為也

古之愚人也余將甲其藏而其骨毛爪齒既已化為飛 維石嵯峨兮司馬之惡與石不磨兮桓山之下維水瀰 其愚豈不少瘳乎二三子喟然而歎乃歌曰桓山之上 塵湯為冷風矣而况於存乎况於從死之臣妾飯含之 貝玉乎使應而無知也余雖鼓琴而歌可也使應而有 滿分司馬之藏與水皆逝兮歌関而去從游者八人果! 知也聞余鼓琴而歌知哀樂之不可常物化之無日也 日月也而難以為可得而害也且死為石椁三年不成

然以高喬木翁然以深其中因汗之餘浸以為陂池取 道京師而東水浮濁流陸走黃塵陂田蒼恭行者勘厭 有山林之氣奇花美草有京洛之能学堂厦屋有具蜀 山之怪石以為嚴阜蒲華蓮茨有江湖之思椅桐檜石 飲定四庫全書 凡八百里始得靈壁張氏之園於汁之陽其外脩竹本 仲孫舒與冠昌朝王適王過王肆軾之子邁與之子彦 靈壁張氏園亭記 東坡全集

筍如可以飽四方之實客余自彭城移守吳興由宋登 其後出仕於朝名聞一時推其餘力日增治之於今五 舟三宿而至其下肩與叩門見張氏之子碩碩未余文 之巧其深可以隱其當可以養果就可以能隣里面暫 十餘年矣其木皆十圍岸谷隱然凡園之百物無一不 通判府君始家靈壁而為此園作願奉之事以養其親 以記之維張氏世有顯人自其伯父殿中君與其先人 可人意者信其用力之多且久也古之君子不必仕不

苟安之弊令張氏之先君所以為其子孫之計處者遠 生治性行義求志無適而不可故其子孫仕者皆有循 難出出者祖於利而忘返於是有違親絕俗之議懷禄 廷步市朝之上閉門而歸 隱則俯仰山林之下於以養 於機能而已然士军能蹈其義赴其節處者安於故而 夕之奉熊遊之樂不求而足使其子孫開門而出仕則 且周是故案室藝園於汴四之間舟車冠蓋之衝凡朝 必不仕必仕則忘其身必不仕則忘其君譬之飲食適

飲定四庫全書

東坡全集

其子孫遊將必有日矣元豐二年三月二十七日記 吏良能之稱處者皆有節士康退之行益其先君子之 澤也余為彭城二年樂其土風將去不忍而彭城之父 竹之始生一寸之前耳而節葉具馬自蜩腹地州以至 雞犬之聲相聞幅中杖優歲時往來於張氏之園以與一 老亦其余厭也料買田於四水之上而老馬南望靈壁 于劍枝十尋者生而有之也令畫者乃節節而為之葉 文與可畫質當谷偃竹記

|禁而累之豈復有竹乎故畫竹必先得成竹於胸中執 中而操之不熟者平居自視了然而臨事忽馬丧之豈 然者内外不一心手不相應不學之過也故凡有見於 獨竹乎子由為墨竹賦以遺與可曰庖丁解牛者也而 能然也而心識其所以然夫既心識其所以然而不能 所見如忠起鹘落少縱則逝矣與可之教子如此子不 筆熟視乃見其所欲畫者急起從之振筆直遂以追其


钦定四車全書


東坡全集

養生者取之輪扁野輪者也而讀書者與之今夫夫子

遺余曰近語士大夫吾墨竹一派近在彭城可往求之 畫竹初不自貴重四方之人持練素而請者足相躡於 一義材當萃於子矣書尾復寫一詩其略曰擬将一段為 之以為口實及與可自洋州還而余為徐州與可以書 其門與可厭之投諸地而罵曰吾將以為觀士大夫傳 之託於斯竹也而予以為有道者則非耶子由未當畫 谿絹掃取寒梢萬尺長予謂與可竹長萬尺當用絹二 也故得其意而已若予者豈獨得其意并得其法與可

一審谷在洋州與可當令予作洋州三十詠賓審谷其一 書質當谷偃竹遺子曰此竹數尺耳而有萬尺之勢質 貧饒太守渭濱千畝在胸中與可是日與其妻游谷中 也予詩云漢川修竹殿如蓬斤於何曾故釋龍料得清 辯則辯矣然二百五十匹吾將買田而歸老馬因以所 則曰吾言妄矣世豈有萬尺竹哉余因而實之谷其詩 曰世間亦有千尋竹月落庭空影許長與可笑曰蘇子 百五十匹知公俸於筆硯願得此絹而已與可無以答). J. . TEM 東坡全集





校官庶古士臣 張能的

校對官無吉士 臣陳文極

磨録監生臣

吕燕昭